

志漢皋稅務 漢口 ○去年漢口洋關稅務收數比前二年較為短絀因茶稅減收故也本年絲茶兩項依然減色稅務收數恐更有江河日下之勢矣 一千

子茶獲利 漢口 ○本年兩湖頭二茶均不獲利惟子茶出產較好為西人所樂購隨到隨銷毫無停滯獲利之厚自不待言至花香諸項銷數亦復暢旺云 一千

稅用委員記過 漢口 ○饒州府景德鎮一帶各稅局司巡人等私收規費經茶商電稟派員密查已得其實日前稅務總局將此案上詳奉贛撫批示據詳已悉該司巡等胆敢玩視禁令照舊私收規費無怪茶商曉曉瀆訴姑念相沿已久從寬免予提解訊辦著即一律驅逐不准逗遛以後懸為厲禁應即出示曉諭仍嚴禁船戶人等夾帶私貨該委員等事前失於覺察均各記大過一次移司註冊並飭將此項充公錢文另文批解不准混入比較仰即分飭遵照此繳用

官紳狼狽 松江 ○前報紀金山縣蔣令因病請假忽有吳董捏名紳商界一百四人聯名挽留以為增重一時名譽先是該邑某鄉有陳某者見吳行為卑鄙倚官為護符時與反對吳遂銜之刺骨近該鄉有某姓因懲佃落河乘間搬搶一案吳唆使蔣令妄加陳以指使之名迨由府提辦該犯供稱與吳素不認識而某姓事主又力保陳某素來安分決無此等情事松府臧守知其中必有播弄之人當即札縣着從實覆覆蔣令知此事關係甚大自度虛誣乃遂託病請假吳董之捏名挽留蓋亦報施之意也嗚呼官乎董乎蛇蝎之性誣乎牛馬之劇場乎無以狀之名曰狼狽 容

盜劫典鋪 松江 ○葉樹鎮於初三晚忽有巢湖口音盜匪五六十名先至巡防局搶劫軍裝並刀傷勇三名打傷兩名繼至大德典當將錢房所有錢洋及首飾房所有金銀器劫去失賊約值萬五千金時典肆經理凌姓偕同管錢房典夥遊滬未返茫無所主直至初五日華亭程令來鎮勘驗後懸賞緝拿並將流落本鎮之巢湖人王德明周老三及修鞋匠江北人鮑寶司務夫婦等帶案研訊先是初一晚有孔老窩子之妻借巢湖帶孔森林等二十餘人到鎮以搬場為名分居周鮑等家內直至初二夜始去當晚即出此鉅案不無可疑惟為首係一長髮老者(或云係所裝假鬚)以白毛巾裹首羣盜均呼為老標是夜盜船一艘停泊得勝卡對河事畢下船並搶一西瓜船然後乘潮西去最可異者鹽捕營之守港槍船亦同泊該處而竟不聞不見殊屬不可解耳 一助

嚴拿地棍 漢口 ○湖北內地其不安靖關道陳少石觀察恐匪徒煽惑愚民圖謀不軌飭傳幹弁某某等將漢口某某等地棍設法緝拿以免勾結匪黨擾害地方 一千

駐兵回潯 九江 ○九江道玉璣卿觀察奉撫憲電飭將駐饒弁兵二百名撤回觀察當即轉移陳統領得龍札飭該營遵照該營官柳之權奉札後即于初八日率隊回潯(於)

溺斃巡捕由聖裔控請昭雪 蘇州 ○蘇垣本年三月間西路

警察局巡捕孔慶林突然闖入養育巷太平橋堍某豆腐店報稱前西路總察李大令將孔慶林青懲枷示乃孔慶林疎懶潛逃至盤門內大水塘中溺斃當經吳縣張大令驗明棺殮此事為衍聖公聞悉大為不然特於前日行文至吳縣請為伸冤並由該巡捕之兄主聖廟七品執事官孔慶流赴臬轅具稟以死者含冤求請伸雪經臬批飭吳縣查明據實詳辦 永

鄉民担任學費 蘇州 ○西鄉高資鎮稟辦原泉小學由鎮道令發起人吳冠英會同鄉董籌集捐款該鄉耆董頗能以興學為己任除磚瓦各窰食物店鋪均願抽釐助學以自教其子弟外日前又有廟灣公路售與鐵路工程局得價百六十千各董會議僉主撥歸學堂爰稟由購地局陳委員移交丹徒縣轉飭具領(工)

滬城官事 蘇州 ○前福建臬司楊俊卿廉訪文鼎奉江督札委至滬稽查彩票初寓長發棧昨日遷寓英公廨內飭丁到道通知○江蘇試用道羅篤甫觀察肇輝到申住祥發棧又分部主事陸慎齋主政敬熙候補縣謝樹伯明府崇聲水利局委員崔儀臣直刺鴻齋候選府經歷劉芳洲參軍芬等昨均到道拜會稟見○湖北將備學堂陸軍將校講習所畢業葉優等生杜冠亭二尹鴻賓昨至道轅稟辭回蘇○商約大臣呂鏡宇尙書昨日命駕至道拜會○公共公廨職員關網之司馬昨日到道稟陳要公(令)

縣不開辦平糶 蘇州 ○上海縣汪大令昨日發出開辦平糶告示一道照錄如下為出示曉諭事照得近來米少價長大江南北每有棍徒搶米肇事暴動頗烈均奉大憲嚴拿從重懲辦查滬地米價日昂深恐小民粒食維艱亟應籌款購米減價平糶貧民而保治安前經本縣商請總工程局暨商務總會先後函復請動義捐一欸以補助用茲准總工程局函稱會同籌議墊款先向香港購辦米石陸續運滬於城內外分設平糶局七處定於二十日開辦函請示諭到縣合行出示曉諭為此示仰居民人等一體知悉須知籌款購米減價平糶係為體卹貧民而設勿得擁擠喧嘩倘藉端滋擾以及阻撓情事立即提案嚴究決不姑寬各宜凜遵毋違切切特示 宜

小糶米照本每石賤售五角 ○本埠將次開辦平糶迭紀前報茲悉此項採購之米以經商會與總工程局董事會議各認發資本銀五萬兩合成十萬電致暹羅香港等處分別採購其利息盈虧各項均由護照費內劃抵現下查得上海惠大洋行有安南米一千餘石不日到申先可應申開糶其價照來本每石賤售洋五角當經商會據稟上海道核示矣(尺)

華商赴賽須知 ○英國愛爾蘭德博林城地方明年夏間開設萬國賽會經江督周玉帥咨送章程札 滬道查照曉諭外並飭道傳諭各華商屆時知不及赴賽可以預為稟明候轉電外務部商令該國展期云 事

調查電箱機件 ○江督周玉帥近因江南四路所設砲台(一)電箱機件等項不甚妥善札由滬 瑞觀察於昨日轉委鈞和兵